

欽定熱河志

圖書在版編目 (CIP) 數據

欽定熱河志 / (清) 和珅 · 梁國治撰 ; 承德民族師
範高等專科學校 點校, -天津 : 天津古籍出版社,
2002.12

ISBN 7-80504-867-3

I. 欽... II. ①和... ②梁... ③承... III. 承德市
-地方志 IV. K292.23

中國版本圖書館CIP數據核字 (2002) 第093720號

欽定熱河志

(二函二十冊)

[清] 和珅 · 梁國治

出版人 劉文君

出版 發行 · 天津古籍出版社

(天津市和平區張自忠路189號)

印刷 · 杭州富宇印刷有限公司

責編 · 韓嘉祥

版次 · 二〇〇二年一月第一版

印次 · 二〇〇二年一月第一次

印數 · 柒佰套

ISBN>-80504-867-3/K

全套定價 · 1200.00 元

ISBN 7-80504-867-3



9 787805 048673 >

藝文八

本朝詩

恭和御製遙亭行宮晚坐元韻

于敏中

頓次黃圖信宿經，第三行館按程停。度關駝影峰前黑，因次日過南天門，車仗俱于日晡先行。速（二）帳炊烟柳外青。景

繪秋塍鋪迤邐，詩催夜漏遞玎玲。朝晴未礙聽宵雨，既愜農歡復旅寧。

前題

國柱

路轉山坳翠屨經，天開仙館玉驂停。門前多稼連雲碧，檻外交柯接地青。氣霽烟林秋澹沲，雨晴蘿嶂石瓏玲。物華元不關宸賞，萬寶時登萬國寧。

恭和御製出古北口元韻

國柱

劍作雙崖壁作關，馬頭翠疊石孱顏。前驅羽騎鳴鞘上，風勁瑠弓月半彎。嚴關瑞氣望如龍，雉堞連雲苔蘚封。歌咏太平邊地樂，年年恩澤到秋濃。昔時塹鑿夸重險，今日耕畬慶屢豐。高下黃雲凝遠目，築場納稼履宸衷。

恭和御製兩間房行宮即景元韻

尹繼善

恰在濃陰古木間，數椽清淨接通關。環村曲引溪中水，入戶平看屋裏山。只愛桑麻饒野趣，還容童叟近天顏。誰知午夜傳銀箭，猶凜時幾未肯閑。

前題

于敏中

塞堤回望翠微間，行築連村帶隧關。兩桁涼移橐駝樹，宮門內植樹兩行，足資涼蔭。一房雲渲大痴山。是處山屏，極似黃公望畫法。

堆盤珍品叨頒獲，上千後山槍墮一鹿，臣得蒙分賜。列坐榮階荷賜顏。閱古北口技勇兵于宮門時，臣蒙賜坐，列于御前侍衛之次。早捧研朱詩帖下，聖人真

惜寸陰閑。

前題

觀保

熙熙景繪往來間，真有衢尊酌市闌。路折平沙逢古戍，是日，過古城川。烟消一角露秋山。對時慶協農夫

願，較藝歡騰猛士顏。仰見分陰珍尺璧，還將睿藻答幾閑。御製有「著句聊消片刻閑」句。

恭和御製至喀喇河屯即事元韻

觀保

原隰昫昫頌既平，翰屏肅肅馬頭迎。緩期特沛如春澤，閱歲偏殷就日誠。高樹欲遮雲去迹，

遙村忽遞雨來聲。時驟雨即止。拍堤漲水流方急，又聽山蟬噪晚晴。

恭和御製至避暑山莊即事得句元韻

嵩貴

勝地何年始剔鬢，清流遠映市分闌。最佳閏在新秋月，信美莊為避暑山。卜稔正欣暘雨若，

承歡更適清溫間。來遊總為同民樂，有喜詩傳有喜顏。

恭和御製清舒山館元韻

雙慶

依然川觀與巖居，水石玲瓏映碧疏。曲磴細生雲護硯，平林遙帶月臨書。地當舒曠遙峰列，

秋到清佳玉宇虛。共識宸衷勤茂育，幾閑還自凜咨予。

恭和御製遙亭行宮晚坐元韻

觀保

吉行三日程，紅橋帶仙館。筠檻到櫺櫓，紅泉映清淺。至人心鏡澄，秘閣溫飈遣。坐看夕曛移，靜對餘霞展。覽風軫休助，秋獮勤邦典。

恭和御製南天門攬勝軒作元韻

錢維城

去天尺五豁鴻遠，勝概當軒一覽披。初日高涵晴漢影，曉烟低渲遠山姿。頻來碧落經行處，快是青雲得附時。呼吸可通閭闔近，山頭旌旆見如茲。

前題

邊繼祖

天門一綫闢雲達，攬勝臨觀曉霧披。樓堞萬千環遠勢，岡巒七二聳雄姿。山自太行來，凡七十二切，蜿蜒二千里。盛朝聲教通南朔，邊歲安恬應二歲時。自是德城同覆載，八荒我聞信今茲。

恭和御製出古北口原韻

于敏中

嚴關洞敞蹕郵遵，塞外猶然甸服民。笑彼長城紛繕築，孰為魏趙孰燕秦。秦築長城，史稱其因邊山險壑可繕者繕之，而魏惠王、趙武靈王、燕昭王亦皆有築長城事。節臨處暑露微涼，是日，為處暑前一日。禾黍鋪茶近拂裳。萬騎騰驤環擁衛，共瞻良吉御飛黃。良吉黃，上所御名馬也。雲開留軫度遙蹊，藩部迎鑾鞫蹠齊。比似雁臣孚德信，何人不奉大車輶。

恭和御製駐喀喇河屯元韻

于敏中

當時元魏建方城，舊迹淆訛辨始明。舊時以喀喇河屯等為白檀諸縣地，今遵旨校輯《熱河志》，乃知長城以外，實漢晉郡縣所不及。惟北魏始於建安州治方城縣，益信此說之誤。萬姓板升成土著，百年沃壤變刀耕。灤河東繞宮牆碧，葦峪西來輦路晴。向晚灑塵微雨過，鳴鳩不用載

前旌。

恭和御製題宜照齋元韻

莊存與

高齋妙得新秋景，為喜秋光戶向西。夕霽林含疏潤致，晚涼山畫淡閑題。巧當簾額餘霞綺，卻上檐牙新月低。御筆捧來冰雪句，清詞應共玉壺攜。

恭和御製夜遊山月作歌元韻

于敏中

太古塞上太古月，碧落秋光靜相寄。霞標轟化須彌巔，一鏡飛凌大輪四。乘驄迎月緣丹梯，超出尋常泛湖例。夔哉溪數登虬龍，何有東坡務赤壁。玉清七寶光映鞍，俯視壺鴻〔三〕朗厓際。蟾蜍爬沙亦吐輝，桂華窅窳本無翳。雲螭直躡最上層，返轡環洲指如意。還語織阿策颺騎，碾向天心景全萃。

恭和御製浚溪元韻

錢維城

苑溪漲急雨，雨過流不奮。疏之利用錘，澆爾去其填。新淤既漸通，前源乃徐進。出山濁復清，繞岸曲而迅。舟豈泛堂坳，橋寧滓泥印。晝夜活活來，不猛亦不悞。聖人利濟仁，視此亦川浚。

恭和御製出古北口元韻

劉星煒

雙旌獵獵度重門，夾道周廬拱塞垣。跪受白金文綺賚，虎毛壯士最銜恩。山農也效夕葵情，染彩為臺一簣成。萬歲舞來天亦笑，呼龍乞與六時晴。

古北口北〔四〕衣虎文衣者，尤稱健銳。

仄徑迢迢方軌過，謾言盤馬似旋螺。偏槍嶺上堆濃綠，留為金源訂語訛。

名藩膜拜應官日，蒙古王公于是日迎駕。裨販腰纏服賈時。古北口例不征。底事郅都矜守險，屬車載筆有奚斯。

恭和御製千尺雪元韻

李中簡

知是銀河第幾灣，架巖疊瀑弄潺湲。分明一段寒山色，風雨飛來碧落間。

匯作平流遠派長，前溪添得芰荷香。六花不散青峰頂，自送桐軒碾玉涼。

恭和御題宜照齋元韻

申甫

天半霞標似赤城，卷簾疏快暢皇情。靜無不照能涵動，雨亦殊佳豈但晴。遠岫列窗多畫意，

飛泉漱石作琴聲。智仁山水原相契，勝賞千秋有定評。

前題

李中簡

山如屏障樹如城，听夕徘徊愜聖情。香逗嫩黃巖桂午，影翻涼碧井梧晴。緣階苔蘚無塵迹，

隔屋笙簧有澗聲。一自嘉名署宜照，清光高下入吟評。

恭和御製秀起堂元韻

于敏中

仙莊宜畫復宜居，西峪登臨盡攬諸。四而屏圍皆罨翠，中天堂冠欲凌虛。雲蒸樹角看成采，

秋澹峰眉許列疏。應有山靈喜相語，未游先得慰僊予。

每年駐蹕，數日後方至秀起堂。今年初莅山莊，即至其處。

前題

申甫

層巒秀起對山居，寶翰垂光義取諸。邱壑遠多藏曲折，雲烟高不礙空虛。山坳樹色千章靜，

嶺背泉聲一脈疏。敬仰宸襟通造化，茂時育物總關予。

恭和御製木蘭行圍自熱河啟蹕元韵

奉寬

宿霧齊收放曉晴，高秋講武紀初程。山河影裏囊鞬隊，禾黍香中士女情。雁齒橋平虹乍偃，龍鱗樹古鬣方生。最欣挾纊羅藩騎，早有期門獻獸迎。

恭和御製入崖口元韵

劉統勳

崖外穀登場，崖中雉網張。霜留千樹白，日轉萬峰黃。驅任前禽去，蹄寧得兔忘。明朝傳大獵，宛馬試騰驤。

恭和御製儀槍行元韵

莊存與

傳聞搏虎掣虎騎，卞莊巧以兩虎刺。匹婦奮拳不顧身，戾蟲磨牙竟潛避。國家教士必使能，奎踞令手槍自衛。一二超足殿其曹，虎槍抽作儀槍備。韜鋒詎若錐處囊，乃如麟有角不試。循名責實多所慚，不愆于儀便榮賜。聖人辨職爰作歌，更考古文詳指事。

前題

申甫

練影如飛馳突騎，捋虎之鬚工擊刺。空林黃葉響秋風，白額踈踈遠相避。六龍整馭法乾行，七萃如雲盛儀衛。其中亦有虎槍人，白挺長矛器良備。彼知奔走效前驅，較藝真難一一試。奎章敬誦儀槍行，轉幸流傳拜榮賜。官廚飽啖聚儔侶，變色驚談刺虎事。

恭和御製關外元韵

奉寬

雨後山晴分外佳，蔭程柳碧望中皆。此來寶穡茨梁密，行見茅檐比櫛排。蝶翅輕翻三逕草，豆花碎點半扉柴。潦餘不礙西成好，極目田原慰聖懷。

恭和御製秀起堂元韻

金 牲

懸圃瓊臺信有諸，倚天拔地復誰如。高居特起絳霄上，秀色還分碧落餘。只覺星垣羅象緯，何殊月府傍清虛。仙毫拈出嫋嬛秘，想像人間未見書。

前題

申 甫

秋澄似水映方諸，秀起堂前益湛如。即論此間應第一，盡多佳處是其餘。嵐光潑翠涵清景，山勢凌空逗碧虛。更與編年垂聖藻，五雲深護御屏書。

恭和御製玉岑精舍元韻

金 牲

精廬不厭入山深，森竦瑤簪仰百尋。閑送岫雲兼吐納，靜聆谷鳥學謳吟。逍遙自足娛真性，冲穆偏宜養道心。鐫刻永垂天藻麗，玉峰晴色煥苔岑。

恭和御製題枕榔木孟元韻

程景伊

摩挲舊物歷年存，敬仰先朝樸素敦。塞外園亭傳守器，海南風月想蟠根。鬪由巧匠疑山骨，挹向清溪識水源。就裏會心含至道，神孫觸處感鴻恩。

前題

金 牲

南邦底貢厥名存，彝器常陳古所敦。斑駁紛呈疑鏹甲，輪囷旁出似蟠根。模成本寓方圓象，

酌取還分涇渭源。銘重盤盂揚祖訓，獻琛薄海總懷恩。

前題

申甫

孔甲銘惟字體存，山莊舊物古風敦。覆盂安益懷前烈，剗木成還念本根。園外梅花吟卧樹，亭邊月色近靈源。摩挲質理堅如鐵，多少栽培造就恩。

恭和御製即事元韻

申甫

藕汀蘭圃愜清娛，四面山疑碧玉郭。拳足偶看林際鶴，梳翎時見水中鳧。泉因雨後如珠濺，花到秋來似錦鋪。動靜總應徵樂壽，宸懷契亦在茲乎。

恭和御製賦得片雲舒卷元韻

國柱

舒卷無心岫影東，片雲高並翠螺崇。早看普蔭寰瀛裏，時復騰輝碣壑中。共仰璇題紅日映，漫夸舊咏絳紗籠。晴空濼沆秋容淡，浩浩天懷孰許同。

恭和御製熱河啟蹕幸木蘭行圍之作

申甫

嶺雲極北接興安，邊塞雄逾古賀蘭。蒐典正乘秋氣肅，林霏微逗曉光寒。梯航遠至皇風暢，禾黍初登野望寬。計日鳴梢入崖口，翠巖千尺畫中觀。

恭和御製口外元韻

寶光鼎

古北雄關外，千山應接多。峰回常礙日，路轉每循河。省歲籌陽雨，連雲見麥禾。好風資長養，輕拂翠旗過。

前題

國柱

近塞居人聚，黃雲入望多。擘沙閑作隴，引水自成河。綠潤千章木，青分夾嶺禾。西成今歲好，帝蹕喜經過。

恭和御製塞湖載月之作元韻

申甫

至人心若鏡，隨地得清景。矧茲塞上湖，不知幾千頃。濺濺聖澤涵，洋洋天趣領。少焉明月出，桂輪挂松嶺。水光與月光，罔非真實境。輕舟載月行，水中見舟影。但覺水與月，湛然同一靜。宸懷於此豁，道妙相與永。遙夜岸風涼，玉衡低素綆。

前題

竇光胤

塞山斂夕霏，涼館延浩景。明湖碧無烟，激灩餘百頃。具舟倚南磯，目游心已領。維時月幾望，皓然上岑嶺。蘭漿邀素輝，沿泛足佳境。汗漫琉璃界，浮動山河影。棹移輪猶遲，纜結練逾靜。睿思寄廣寒，雲漢相與永。觀海欲湖瀾，汲深愧短綆。

恭和御製熱河初建城隍廟元韻

申甫

棟宇新崇敕保庸，神通〔五〕明德本無壅。赤烏久紀專祠建，紫塞今欣廟食供。八蜡報功稽祀典，五章錫命著褒封。興桓民物憑呵護，岳瀆精英助協恭。禮接人天諸佛近，熱河新建普陀宗乘廟。職分彰。瘡有司從。兩廡列善惡二司。捍災御患威靈遠，省歲觀成盛事逢。熙皞益徵安土俗，盈寧永與庇耕農。

貞珉弈弈奎文炳，寶翰欽瞻墨妙崇〔六〕。

恭和御製咏荷元韵

嵇璜

浦荷有意迎清蹕，較比常年及早開。新沐毫端珠露潤，陋他凡卉盡興臺。未離色相已離塵，華頂移來銀漢濱。欣侍玉皇香案側，定知太乙是仙人。

前題

蔣元益

田田正屆蕤賓節，如意洲邊作意開。最是碧虛澄遠翠，波心紅影上重臺。麗色曉明霞綺外，清姿夕寫鏡湖濱。花猶解識摘華早，何況深沾湛露人。

恭和御製恭咏皇祖鹿角椅元韵

申甫

星角雙撐取用全，深山不記養茸年。切磋敬仰成勞著，位置常瞻祖德綿。玉樹倒垂含潤澤，蓮臺高涌並清妍。行宮法物同豐鎬，尚象因材本自然。

恭和御製遊獅子園憶舊元韵

嵇璜

獅園舊傍塞園陪，萬丈榮光勝境開。庭際稚松今合抱，道旁耆老昔童孩。有那最憶前規遠，無逸長遵家法來。望裏青峰羅佛髻，頻經宿雨淨炎埃。

恭和御製過九松山元韵

梁國治

松勢回翔萬壑低，青田黃鶴渺難稽。即看黛色縈丹嶂，遂有濤聲卷碧溪。近塞雲封依咫尺，下山苔徑乍東西。九株指點知焉是，路轉林深入望齊。

恭和御製永佑寺瞻禮元韵

梁國治

孫謀續武協時行，瞻就年年此展誠。四塞河山維禹迹，九重堂構自天成。秋田載旆依前典，神御垂衣感聖情。扈特歸從二萬里，共球來賀樂升平。

恭和御製題秀起堂元韻

梁國治

堂開西峪接雲高，晝靄還宜萬景韶。天外綺霞銜日末，雲端烟樹點秋毫。晴皋欲下千年鶴，松籟微聞萬頃濤。秀色欲名難比似，四山空翠影周遭。

恭和御製永安莽喀元韻

于敏中

場選榆林迤右邊，大營駐海拉蘇台，蒙古語謂有榆樹處也。圍場在大營西南。白沙紅樹景天然。寶騮到處頻呼雉，上乘寶吉騮馳射，連中四鹿，衆皆歡呼。華褶

頒來儼序賢。是日，蒙古王公有於御前射鹿者，蒙賜黃褶二人，花翎四人，以旌其能。圍准十三初發軔，今歲，自永安莽喀至塔里雅圖，凡十三圍場。騎掄千二各彎弦。

擇肥馳進慈寧膳，上以親射鹿，遣御前侍衛馳進皇太后。續武承歡例萬年。

前題

梁國治

涼風白露翠微邊，沙苑重岡尚宛然。塞上選徒因習武，圍中數獲即觀賢。名藩一一欣隨轡，御箭雙雙看應弦。此日晨鮮飛騎進，萬年長奉似初年。

校記

〔一〕速 閣本作「連」。

〔二〕應 閣本作「歷」。

〔三〕鴻 府志作「嶠」。

〔四〕北府志作『兵』。

〔五〕『神通』閣本作『通神』。

〔六〕崇閣本作『宗』。

藝文九

本朝詩

恭和御製種槐元韻

申甫

皇仁周庶物，草木念榮悴。拱把帶雨移，規此數弓地。植根課必深，布葉看漸穢。古槐自疏冷，新綠宛深翠。龍爪羃秋陰，兔目展春季。欣欣方向榮，已作十圍計。詎同樗櫟材，拳曲只滋愧。

恭和御製出古北口元韻

嵩貴

長城趨古北，設險自何人。蘇季始謀趙，賈生終過秦。彎弓徒有戒，飯〔二〕馬笑餘辛。今日重關闢，占風萬國親。省方勤聖主，扈蹕樂藩臣。望幸頻沾澤，觀光利用賓。選徒循令典，法祖舉時巡。歲歲懷柔意，長敷紫塞春。

前題

申甫

雙崖雄北口〔二〕，戍守憶前人。設險空占易，防邊只效秦。閉關情隔絕，築怨事酸辛。聖代金甌固，山莊玉趾親。往來如戶闥，中外悉王臣。從獵馳千騎，每年木蘭行圍，例用蒙古兵一千二百人。呼嵩列九賓。

恭逢萬壽聖節，蒙古王公皆隨班行慶賀禮。

邊氓安力作，父老望時巡。廢堞連雲處，巖花歲歲春。

恭和御製味甘書屋元韻

申甫

結屋傍幽巖，泉源在其左。幾餘偶靜憩，宛如天上坐。開窗雲忽生，拂檻風自妥。芸編霏古香，松濤試活火。餘味喜曲包，微甘殊諫果。陸羽曾著經，陶潛還讀我。書味與茶甘，悠然相印可。

恭和御製趣亭元韵

錢載

聚書藏書得佳趣，趣以名亭閣邊峙。其西則山東則臺，碧樹扶疏石崐嶇。峰陰轉壑壑隨澗，澗響落池池益泚。收將大段天一范，兼取小齋京口米。亭中書趣勝琴趣，有弦何必無弦矣。聖心妙趣與人同，讀書之世胥樂此。

恭如御製曉行元韵

申甫

求衣昧旦語寧誣，聖主勤民益信夫。夜雨灑林朝恰止，遠烟當路近看無。瞻雲衆已駢肩集，除道人忘兩足塗。似聽茅檐喜相告，三分額賦又蠲吾。

恭和御製出古北口元韵

申甫

我朝一統連中外，耕鑿邊氓樂利賒。但以雄關存舊迹，每看廢堞動遐思。即論勝國何能守，說到秦人更可嗤。畢竟成城須衆志，皇圖鞏固在于斯。

恭和御製口外元韵

申甫

出關風景最清佳，畫嶂分明處處皆。樹色潤含前夕雨，草痕青接去年荄。河通一水煩頻渡，雲放千峰未盡埋。多少山田列方罫，玉鞭遙指暢吟懷。

恭和御製雨中至喀喇河屯元韻

申甫

如絲密密灑龍旌，已近仙莊但一程。地喜有山兼有水，到來宜雨亦宜晴。烏城舊址平崗遠，別墅新題健筆橫。詰旦仁風披曉霧，泥乾只候屬車行。

恭和御製至避暑山莊即事得句元韻

梁國治

每到雲莊咏礪阿，堯年因憶翠華過。深山無暑今猶昔，一雨成秋信不訛。夾路松聲清引鶴，凌雲石徑黛旋螺。花宮咫尺（三）真如境，香氣三天聽貝多。

恭和御製經畚書屋元韻

梁國治

積書連屋倚嶙峋，菑穫雖勞亦勝因。共仰經畚輝寶額，難從藜閣逮文津。雨耕好擬三餘賞，風咏先慚一字貧。聖德裁成均教養，力田還憫未逢人。

恭和御製游獅子園元韻

申甫

獅峰綿亘叢峰遙，法駕端臨戒詰朝。萬壑松濤烟靄動，一池荷氣水痕消。只今翠葆停芳榭，依舊青山對綺寮。毓德冲齡懷往事，書聲隱隱徹涼宵。

恭和御製遊文園獅子林元韻

劉墉

入園風景各方隅，物色分排畫幀鋪。帶以雲烟離可合，涵來秋月一能殊。蓬山未到知應似，倪叟如逢嘆不圖。佳勝曾聞兼曠奧，試看疏豁又回迂。

恭和御製文園六咏元韻

劉墉